

reduirà in castelo, e dubiterà di lui, che non fazi novità.

Et a dì 26. In pregadi fo preso parte, di balotar li retori di le 5 citade, et quello havesse più balote andasse orator a Milan dal dito cardinal Roan. Et rimase sier Zorzi Corner, el cavalier, capetanio di Verona; et quelli fonno balotadi sarano qui soto scripti. Et questo have balote 95; fo soto sier Nicolò Foscarini, capetanio a Padoa.

Rectori balotadi di le citade.

Sier Domenego Trivixan, el cavalier, podestà di Padoa.

Sier Nicolò Foscarini, capetanio, 88.

Sier Piero Loredan, podestà di Verona.

† Sier Zorzi Corner, el cavalier, capetanio, 95.

Sier Lorenzo Zustignan, podestà a Brexa, 76.

Sier Marco da Molin, capetanio.

Sier Stefano Contarini, podestà a Bergamo.

Sier Hironimo Bembo, capetanio.

Sier Zuan Bragadin, podestà a Vicenza.

Sier Alvixe Emo, capetanio.

Et fo scripto al prefato sier Zorzi Corner di tal electione; qual acceptoe *libentissime*, et si partì a dì.... Et jo era suo camerlengo a Verona, et lo acompagnai fino a Peschiera. Andò con alcuni cavalieri, cittadini di Verona, e altri.

A dì 23. Fo compito di far le exequie, di zorni 8, al cardinal Zen in la chiesa di San Marco; et vi vene la Signoria con il senato; et è stato solennissimo exequie.

Item, Marco Bevazan, secretario nostro, andato a Segna, con la galia di sier Zuan Zantani, provedador, dove stete zorni 9, et consignò li, al nontio dil re, li ducati 33 milia, 333; et vene el messo regio, con cavali 40, di Buda, per tuor li diti danari, et, con 300 cavali di scorta, li dovea condur al re; et dito Marco Bevazan, volendo ripatriar, andò a Cherso, dove trovò sier Antonio Grimani, *olim* capetanio zeneral nostro da mar, ivi confinato, molto grasso, in ocio.

23* *A dì 27.* Fo preso parte, in gran conseio, che li rezimenti di là da Quarner non sotozasi a la parte di servir di bando, perchè, *timore turcarum*, ogniun refudava *etc.* Ave 694, 128; et in pregadi pro 123, et 14 di no.

Qui noterò li oratori veneti erano fuori a Roma: a papa Alexandro sesto, sier Marin Zorzi, doctor; a Maximiliano fo *noviter* electo sier Zacaria Contarini,

el cavalier; in Franza sier Francesco Foscarini, el cavalier, et in suo loco *nuper designatus* sier Zorzi Emo, el qual refudoe; in Spagna sier Domenego Pisani, el cavalier, in Portogallo vi va sier Piero Pasqualigo, el dottor; in Hongaria sier Sabastian Zustignan, e sier Zorzi Pixani, doctor et cavalier.

Di mar, di sier Beneto da cha' da Pexaro, capetanio zeneral, di 15 zugno. Scrive come 4 flambuli zonti in la Morea, o per timor di armade, o per molestar Napoli di Romania; *unde*, per questo, mandoe 8 galie, per acompagnar la nave Barbariga, patron Marco Antonio Novelo, che za più di si aspettava al Zante, per condur pedoni 300, formenti e monition a Napoli; et esso zeneral, con XI altre galie, andava a la volta di Levante; e sier Alvise Loredan, provedador, andò con le otto galie avanti a Napoli. A custodia dil Zante era 5 galie; al Sasno galie 3, per obviar le fuste di Valona; et do galie a la varda di Napoli; et 6 galie erano, con sier Domenego Dolfin, capetanio al colfo, a custodia di la Vajusa; et 7 galie manchava a vegnir, nè sa dove le siano; sì che tutta l'armada nostra era squarzada *etc.*

Item, per più avisi auti di Dalmatia et Istria, la Signoria fo certifichata, tre flambuli, con zente, erano zonti in Bosina da Schander bassà, per corer in Dalmatia.

Noto, a dì 14 zugno, in pregadi, fu posto parte, per sier Marco Trun, cao di 40, di far do altri avogadori, qualli tutti aldano e sentano, *ut in parte*, la qual se dia meter a gran conseio; e fu presa; ma li consieri, tra li qual fu sier Marco Sanudo e compagni, non la volse meter; et perhò non ave effecto alcuno.

A dì 20. Fono electi savij dil conseio sier Lunardo Loredan, procurator, sier Luca Zen, sier Zuan Morexini, et per 3 mexi sier Francesco Foscarini e sier Antonio Trun; di terra ferma sier Polo Capelo, el cavalier, sier Zorzi Emo, sier Marin Zorzi, dottor, è a Roma orator. *Item*, fu preso far oratori in Franza et in Hongaria.

In questi giorni, si ave aviso, che....., per via di Narenta, prese 60 janizari turchi, brusato 12 ville, preso cai 1000 di bestiami menuti, 100 grossi; e pocho manchò non habbi preso el so chadi.

A dì 24 zugno. Fu electo in gran conseio, per parte posta prima, podestà a Charavazo, in luogo di sier Alvixe Malipiero, era li provedador, sier Antonio Sanudo, *quondam* sier Lunardo, fo podestà a Cologna.

A Verona. In questo zorno morite, nel mona-